


欽定天祿琳琅書目

十

			二 四 六	漢 書 門
一 〇	一 七	三	號	
冊	架	函	類	

庫文閣內			
元 七 函		四 三	漢 書
六	〇	號	冊
架	冊	類	

內閣文庫	
番號	漢 2463
冊數	10 (10)
函號	297 53



欽定天祿琳琅書目卷十

明版集部

楚辭

二函
十二冊

周屈平著附宋玉景差賈誼淮南王安東方朔嚴
忌王褒劉向王逸擬騷諸篇共十七卷後漢王逸
章句書首載史記屈平本傳次漢班固序次梁劉
勰辨騷目錄後附楚辭疑字直音補一卷

按世傳楚辭最著者一為王逸章句一為晁元咎
重編一為朱子楚辭集注朱子集注止八卷已見

欽定天祿琳琅書目

卷十

淺草文庫



前宋版中矣其餘卷目分合互異有同攷隋書經籍志楚辭十二卷注云後漢校書郎王逸注而唐書藝文志乃云王逸注楚辭十六卷已增多四卷矣其人稱十七卷者據晁公武讀書志言淮南王安始作離騷傳劉向典校經書分為十六卷東京班固賈逵各作離騷章句餘十五卷闕而不說至逸自以為南陽人與原同土悼傷之復作十六卷章句又續為九思取班固二序附之為十七篇夫十七篇即十七卷也宋時洪興祖作補注楚辭其

卷目悉遵原本然觀晁氏所述王逸章句止十六卷其增多一卷者以逸續九思與班固二序合數之耳此本分十七卷而班序不入卷中又與宋時傳本不同矣其卷首之載史記本傳則始與晁无咎之重編无咎以東方朔嚴忌皆漢武帝廷臣淮南小山之辭不當先朔忌人以王逸為東漢人所作九思與劉向輩相濶且十七卷亦非舊錄故刪去一卷止存十六卷并與逸所著離騷其中有訓釋淺陋者悉為之刪汰而錄司馬遷原傳冠之於

騷

首說詳讀書志中至於劉勰辨騷隋唐兩志俱未
論述惟讀書志述洪興祖補注楚辭自序言辨騷
非楚辭本書不當錄云云則亦古本所有而曾經
與刪汰此本蓋復序其舊而亦不入卷數也其疑
字直音補一卷宋人諸簿中俱未見著其名當又
出於興祖元咎之後矣此本雖無刊刻年月然以
版式定之則為明代坊間所梓行者故其撫印亦
復不能精善若以前宋版中集注一書較之其紙
色墨香則相去遠甚矣

江陰徐氏印未詳何人

江陰徐氏
家藏圖書
朱文
卷一

曹子建集

一函
四冊

魏曹植著十卷

考子建集見於隋志者稱三十卷見於唐志及書
錄解題者皆二十卷見於讀書志及宋史藝文志
者則止十卷此本前後俱無序跋目錄後有元豐
五年萬玉堂刊本記亦分十卷與讀書志宋志同

欽定天祿琳琅書目

卷十

三

首怨頁誤

其書撫印甚精印紙有金粟山房記古色可愛惟目錄末葉卷一首葉紙色不同字體亦異當是先有宋本闕此二葉因為翻刻并以原書所闕重寫補刊或舊有序跋俱經私汰未可知也

陶靖節集一函八冊

晉陶潛著十卷前梁昭明太子蕭統序次陶集總論次統撰陶淵明傳

此書亦不載刊刻年月卷十末於顏延之撰陶徵士誄揚休之序錄之外凡宋人刊刻陶集諸叙皆

附錄於卷中則此本之非宋槧無可疑矣况其撫刻本不甚工也
收藏諸印無攷

青雲閣

勤華硯
而記事
樂琴書
以消憂

俱朱文蕭序
陶傳卷一之十

子高文房印

朱文

明錫山
膠厓居士
如園寶藏
善畫印

白文蕭序總論
陶傳目錄卷一之十

類笈唐王右丞集二函十二冊

唐王維著詩集十卷文集四卷前明顧起經序次凡例次開局氏里次王集表勅次王集列傳次王氏世系并圖目錄未載右丞詩畫評一卷後唐諸

未怨末誤

欽定天祿琳琅書目

卷十

四

家同詠集一卷唐諸家贈題集一卷右丞年譜一卷外編一卷外編後有起經識語

按此書九例稱詩集舊本係六卷今折為十卷文四卷編置末冊具開局氏里後標嘉靖三十四年十二月望授錢三十五年六月朔完局每卷末俱記刊書之月并校閱諸姓氏可謂鄭重經營者矣版雖不甚工而字畫清朗尚稱佳本考常州志顧起經字長濟無錫人以國子生謁選授廣東鹽課副提舉魚署市舶弟起綸輯明諸家詩名國雅為

世所重

分類補注李太白詩集

二函十六冊

唐李白著文楊齊賢集注蕭士贇補注二十五卷前元板中有是書目錄末葉版心標至大辛亥三月刊此本板式似之而目錄末頁版心則稱正統己巳二月印當即由前版翻出者其所載建安余氏勤有堂刊本記係仍元刻之舊然元刻尚有李陽水樂史宋敏求曾鞏毛漸諸序此則全佚之矣子謙李春陽二印未詳其人

子謙

白文
卷十

李春
陽印

朱文
卷一

分類補注李太白詩集

一函
六冊

篇目同前附文集卷五共三十卷前唐李陽冰序
次宋樂史別集序次唐李華李公墓誌次宋劉全
白李公碣記次宋宋敏求曾鞏後序各一篇
此本詩集首卷標題下先列楊齊賢蕭士贇名次
標吳會郭雲鵬校刊而文集首卷則第標雲鵬編
次不列齊賢士贇蓋以文集無兩家之注故也按

止恐上誤

雲鵬自標吳會而吳中志乘不見其名書中但稱
校刊編次前後俱不自為序跋以後歐陽文粹一
書証之亦稱雲鵬校刊而序跋俱無則疑雲鵬者
第書肆中刻梓鬻市人耳特此本撫刻精潔遠出
前部之止當亦書林良賈也
明王時敏藏本印記見前

王時敏
鑒賞
書畫記

白文

煙
客

朱文俱李序 卷一之卷十二 卷十四 卷十六 卷十八
卷二十卷二十二卷二十四之卷二十六 卷二十八 卷三十

集千家注杜工部詩集

二函
二十三冊

欽定天祿琳琅書目

卷十

六

涇惡註

唐杜甫著詩集二十卷附文集二卷前宋王洙王
安石胡宗愈蔡夢弼四序後載甫墓誌本傳二篇
前元版中有是書輾轉翻刻木記互異然標題俱
稱集千家涇分類杜工部集此則明人所梓行者
刪去分類二字所收序文亦與元刊不一按後一
部標題次行稱玉几山人校刊此本無之所空一
行亦未別刊姓氏則知玉几山人者必為明人書
賈欲偽作宋槧嫌其名而掩之固瞭然也

集千家注杜工部詩集

四函
二十三冊

篇目同前闕墓誌本傳
此為前版初印之本字畫較為清朗紙質之潔膩
亦遠勝之

明米萬鍾藏本按明史萬鍾字友石萬歷二十三
年進士歷官江西按察使終太僕少卿餘印未詳

米萬鍾字仲詔

怡雲閣 朱白間文

蘭公 朱文 俱洙序 繡佛齋

小書 俱白文

明仲

朱文 俱卷一

杜工部全集

一函
六冊

唐杜甫著六十六卷前明姚士麟序次杜集舊序
八篇跋二篇次甫墓誌次韓愈題杜子美墳詩次
舊唐書本傳次新唐書本傳次年譜次凡例後
明劉鑿序

此書為明人劉世教分體編校所著凡例係合李
杜二集而言劉鑿序中亦述其伯父之言謂李源
風杜源雅兩公之詩體從風雅出云云是鑿亦為
李杜合編而作惟姚士麟一序止言杜詩不及李

集或士麟別有序文載于李集之首而此則其分
部單行之本而當時固為合刊也考海鹽縣志
稱世教字少彞萬歷庚子舉北闈謂選授閩
清令於詩好李杜嘗取其舊集之編年者分
體次之序以行世云云據圖經所言尤于
此書體例隱然胎合劉鑿靖江人嘉靖三十
年歲貢官蜀府紀書見常州府志姚士麟爵里朱

詳

闕補卷十二 卷二十三 七

陸宣公集

一函
十冊

唐陸贄著二十二卷前唐權德輿翰苑集

序

此書摠標二十二卷而分制誥十卷奏章六卷中書奏議六卷與陳振孫所載翰苑集十卷膀子集十二卷者正相符合前元版書中僅錄制誥此方是其全版以版式較之當屬明翻宋槧第惜紙質黝厚撫印亦不能工耳

印

王後山邱記未詳何人

管理典冊
王後山印

朱文序卷五卷十
卷十四卷十五卷二十三卷三十三

韓柳全集

一函
六冊

唐韓愈柳宗元著韓集二十卷外集一卷集傳一卷補遺一卷前宋朱子考異序次宋王伯大序次諸家姓氏次唐李漢序次汪季路書次凡例柳集二十卷別集一卷外集一卷附錄一卷前宋陸之淵音義唐次唐劉禹錫序次諸家姓氏宋人合刻韓柳集者有魏仲舉本前宋版書中已

皆錄之此本亦韓柳合刊以版式觀似亦從宋本
撫出紙質墨光雖不相及而已得其形似矣

治卿印記未知誰氏

治卿朱文韓集宋子序卷五卷十二卷十九
柳集陸序卷五卷九卷十四卷十九

闕補韓集諸家姓氏 全 柳集卷四 十五

韓柳全集

一函
八冊

韓集四十卷外集十卷集傳一卷補遺一卷柳集
二十六卷韓集李漢序柳集陸之淵序俱不載

此本亦仿宋槧版式與前部約略同而刻手印工
又出其下至分卷各不相謀者蓋緣唐宋人文集
凡經後人校刊者每有更定係以集部之書固不
必如經史子篇目各沿奉為圭臬也
泰興季氏藏本印記見前

季振宣
藏書

朱文韓集朱子序目錄卷一之卷六卷八卷十卷十一
卷十三之十五卷十七之十九卷二十一卷二十三卷二十四卷二十六

卷二十八卷三十卷三十一卷三十五卷三十六卷三十八卷四十外集目錄
卷四卷八柳集劉序卷二卷四卷六卷九卷十一卷十三

卷十五卷十七卷二十卷二十三卷二十六
卷二十八卷三十一卷三十三卷三十五

昌黎先生集

四函
三十六冊

唐韓愈著四十卷外集十卷遺文一卷前昌黎集
叙說次凡例次集傳

書中凡例集傳之後以及各卷中皆有原刊姓氏
木記而畫為割去補以別紙無復存者蓋此書撫
刻極精書賈遂欲逞其詐偽之計而校刊苦心之
人其名轉不可得而傳矣

懷永堂印未知誰氏所鈐

懷永堂印
白文
卷一

柳文

二函
二十冊

唐柳宗元著四十三卷別集二卷外集二卷附錄
一卷前劉禹錫序

陳振孫書錄解題所載柳集凡三種其稱禹錫編
次者係四十五卷外集二卷并云今世所行本皆
四十五卷又不附誌文非當時本也云云是宋時

所刊柳集已非禹錫編次之舊此書卷數既不相符而卷一標題下漫署禹錫之名其係以別紙補入其字畫與全書迥殊安知前後不別有序跋而亦為防間所私汰耶

白氏長慶集

四函
三十二冊

唐白居易著七十一卷前唐元稹序後載宋陶穀重修白樂天影堂記

此書目錄後并合卷末俱有錫山蘭雪堂華堅活字翻版印記考明時活版之書出于錫山安國家

者流傳亦廣華堅姓名不見郡邑志乘蓋與安國同鄉里因其以活版著書其書於一行之中又分列兩行之字全部皆如小注遂致叅錯不齊則其法雖精而其製尚未盡善也按宋史陶穀字秀寔新平人本姓唐避晉祖諱改焉入宋仕為翰林承旨累加刑部戶部尚書贈右僕射

御題儒雅曾聞白樂天漫將草易議前賢但從性地中流出月露風雲摠道詮人咸謂香山之詩傷於易不知其易處正難及也偶讀其集題此甲子仲冬御筆鈐

寶二曰稽古右文之璽曰乾隆御筆

元氏長慶集 一函十四冊

唐元鎮著六十卷前宋劉麟序後附鎮集外詩一章文一篇

按劉麟不見宋史爵里無可考序文之末標為建安人字應禮其序作於宣和甲辰自稱其父先經抄寫因閱手澤募工刊行則麟殆首刊鎮集之人歟此書版式寔為明槧而猶存此序者蓋沿其舊也

明內府藏本有內府圖書餘印未詳

內府圖書 朱文

王氏白文 俊華

趙氏書印

朱文俱序卷二卷六卷十卷十五卷九卷六十三卷二十六卷三十一卷三十五卷四十六卷五十五卷五十五

闕補卷十五卷二十八 三

元氏長慶集 一函八冊

篇目同前

此即前版而紙墨之佳撫印之善遠出前部上矣

又明陸完文徵明藏本完見前徵明有玉蘭堂印文有春草堂印考朱彝尊明詩綜小傳載朱茂曙字

子衝太傅國祚之孫有春草堂遺稿此印當其所
本朝泰興季氏亦經收藏

江左 朱文 逍遙 春草堂印 玉蘭堂 俱白文 吾道在 瀛洲 季振宜藏書

滄葦序 俱朱文 御史白文 李印 振宜 滄葦目錄 俱朱文 完 朱文 卷二十六 卷四十四

一笑而已 白文 卷十三 卷二十六 卷四十四 書末 魚頭 鶴譜

追昔游詩集 一函 三冊

唐李紳著三卷

晁公武讀書志中載追昔游詩集云開成戊午八月紳自為之序此本書首不載序文蓋至明時從舊本撫刊其序已佚之矣李紳字公垂亳州人元和元年進士累官中書侍郎平章事其曰追昔游者叙生平歷官及遷謫所至述懷紀游之作也泰興縣季振宜滄葦氏珍藏 卷下

右識語一作小行書絕無俗韻書首有明黃姪水印記係先 黃所藏而後歸于季者也 姪水見前

欽定天祿琳琅書目

卷十

十四

餘印無攷

積山

朱文

黃印

白文

李振宜藏書

朱文目錄

仲和

朱文

桂下

白文

李義山集

一函
四冊

唐李商隱著三卷

陳振孫書錄解題李義山集八卷樊南甲乙集載四十卷惟玉溪生集為三卷然云即前卷中賦及雜著且馬端臨文獻通考亦祇稱為二卷此本標李義山集專錄其詩與振孫所載玉溪生集卷帙

雖同其書各異則非宋人所刊無疑特撫刻清朗亦明槩之善本也

歐陽文忠公集

四函
二十六冊

宋歐陽修著居士集五十卷外集二十五卷易童子問三卷外制集三卷內制集八卷表奏書啓四六集七卷奏議集十八卷雜著集述十九卷集錄跋尾十卷書簡十卷附錄五卷共一百五十八卷前宋周必大序次蘇軾居士集序次修小像并宋李端叔晁悅之贊次宋胡柯撰年譜一卷并記

欽定天錄琳琅書目

卷十

十五

前光板中有是書撫刻精妙實元本之最佳者其中特無歐陽修小像耳此本雖非草草剗然刻乎印工俱遠不相逮矣李端叔名之儀滄州無祿人元豐中登第終朝請大夫自號姑溪老農晁悅之字以道清豐人元豐五年進士仕至徽猷閣待制自號景迂生俱見明一統志

歐陽先生文粹

二函
十二冊

宋歐陽修製文粹二十卷遺粹十卷前宋蘇軾序次宋史本傳次蘇轍撰神道碑次韓琦撰墓誌銘

次蘇軾王安石祭文忠公文文粹後有宋陳亮序此與前分類補注李太白詩之第二部同為明人郭雲鵬所刊文粹遺粹卷末俱有吳會郭雲鵬選輯傳梓木記陳亮序後亦有木記稱吳會郭雲鵬校刊刻子寶善堂按選輯校勘之人前後應有序跋乃僅刊木記為識則不過沿廖氏世綵余氏勤有之舊其為刻梓售書而非自行操者明矣陳選亮字同父永康人紹興中進士第二授僉書建康府判官廳公事宋史有傳

明馮李項氏錫山安氏藏本有子京珍藏安氏家
藏諸印又有庸菴印考姚江逸詩傳宋元倍字无
逸洪武間召修元史事畢還山與桂彦良同徵至
考福建有庸菴集十卷此印當其所鈐史印無考

庸菴

朱文文粹蘇序目錄卷二卷五
卷八卷十五卷十七遺粹目錄卷三之三

史印

白文文粹蘇序卷一
遺粹目錄卷一

項子京

朱文文粹卷十
家珍藏卷十一卷十二

世濟美堂

朱文卷十一
項氏圖籍卷十四陳序

安氏

朱文
家藏遺粹目錄

伊川擊壤集一函四冊

宋邵雍著二十卷前明人希古序次雍自序後附
集外詩十三章并宋邢恕明畢亨二序
希古不載姓氏其序作于成化乙未稱披閱擊壤
集愛其體物切寔立意高古乃重鋟梓云云夫曰
重梓則先有刻本据而重梓馬耳畢亨序祇標庚
子歲作不題年號以序中之言者証諸書則為成
化庚子後于乙未希古之序又五年矣按明時有
兩畢亨皆成進士歷顯官一字嘉會山東新城人
成化乙未進士歷官順天府丞終南京工部尚書

見凌迪和萬姓統譜一為山東單縣人河南衛軍
籍景泰甲戌登進士第累官應天府尹進副都御
史見江寧府志今亨序後結銜為副都御史序中
又有尹應天及回落之語則是隸籍河南之畢亨
疑矣序稱於監察御史晉陽王濬家復得擊壤集
每欲壽梓而未暇及後尹應天始克刊行及今致
政特此取板回洛通郡守桂林劉公尚文建先生
安樂窩書院復訪先生集而梓行之遂以此板授
馬云云其言復訪梓行者非即希古序中重鋟之

謂乎希古當即劉尚文之名惜無可考邢恕字和
叔河東人元祐初除御史後謫隨州宋史有傳王
濬蒲州人宣德丁未進士見太學題名碑

司馬太師溫國文正公傳家集

二函
十冊

宋司馬光著八十卷前宋劉隨序

陳氏書錄解題載傳家集稱一百卷馬氏文獻通
考引晁公武之言不及卷數然云今光州有集本
與陳氏語周則亦為百一卷可知且云劉嶠刻版
上之并不言有隨序今此本僅八十卷已非宋槧

之舊况随序亦不詳刊刻源流則並非付梓而作也按宋史随字仲椽開封考城人進士及第歷官工部郎中如應天府遷戶部副史改天章閣待制二曰未詳其人

沈印

潘印

俱白文

老泉先生文集

二函
十二冊

宋蘇洵著十四卷

宋人諸書目所載蘇洵嘉祐集皆稱十五卷此本

標題既不仍嘉祐之名而分卷僅止十四其版雖仿宋巾箱本式然字畫結體較大筆法亦不能工决非宋槧其前後無序跋者當為書賈割去無疑王執禮收藏印記亦無攷

縣

白文目錄卷四卷六
卷八卷十卷十三

王印

白文
卷一

東坡全集

四函
二十六冊

宋蘇軾著東坡集四十卷奏議十五卷應詔集十卷內制集十卷附樂語一卷外制集二卷後集二

欽定天祿琳琅書目

卷十

十九

十卷續集十二卷共一百十卷前有序闕名次宋
贈蘇軾太師敕次宋史本傳次年譜次蘇轍撰墓
誌銘

按序稱海虞程侯自刑部郎未守吉州得宋時曹
訓可刻舊本及仁廟所刻未完新本重加校閱仍
依舊本卷軼舊本無而新本有者則為續集并刻
之蓋公文全集初有杭蜀吉本及吉安麻沙諸本
以歲既久木朽紙弊不已復全幸程侯傳刻於世
使吾郡九邑之士得而觀之云云蓋以重刻者為

明人故稱曹訓為宋時作序者為吉人故稱吉州
為吾郡也乃序後原署姓名為書賈割去補刊一
行則云乾道九年閏正月望選德殿書賜蘇嶠夫
賜書但賜其書耳即以年月姓氏標識卷中宜出
手書不宜刊印况曹訓之名現于西江志之名宦
秘官二門謂字子序自章貢移知袁州雖其所叙
爵系不甚詳晰而其名俱列于紹熙各守之後蓋
後于乾道九年又十餘載序中明言據訓舊本重
刊此書乃謂乾道時降賜刊在後而賜在先不亦

舛謬之甚乎訓仕江右曾刻此書明之守吉者即
於其地訪其舊本重為校梓亦事理之顯然者書
賈無知妄作真不直一噓矣
闕補本傳二十六之內制集卷九十六卷十一後集
卷十五十三續集卷一十卷七三十五卷十一十

三蘇先生文粹 二函 二十四冊

宋蘇洵文十一卷蘇軾文三十二卷蘇轍文二十
七卷

墨黥紙踈係出明時書賈以其式似宋槧私汰序

跋刻之人遂以不傳

三蘇先生文粹 三函 二十四卷

篇目同前

此與前部同版並一時撫印之書

南豐先生元豐類稿 一函 八冊

宋曾鞏著五十卷附行狀碑銘一卷前宋王震序
按文獻通考祇載南豐類稿五十卷而王稱東都
事畧則稱有外集十卷宋史本傳與韓維所作神

道碑及今西江志所載又稱有續稿四十卷然近時流傳惟類稿為完書而續稿外集久經散佚又按陳氏書錄解題稱類稿為王震所序而年譜則朱子所輯今震集尚序卷首而矣列年譜則非宋時原槧可知每卷標題次行有南豐後學邵廡校刊八字未詳邵廡何人而版式紙質俱係明製無可掩襲且書名類稿則必撰人已作始可編入卷數是書末卷行狀碑銘宜稱附錄而版心標為五十一卷則次之失宜方家必不出此寧可以

託為宋槧耶按宋史王震字子發以父試詮優等賜及第元豐官制行執筆入記上語面授尚書右司員外郎使自書除自舉朝榮之進起居舍人使行西邊還為中書舍人遷給事中權吏部尚書拜龍圖閣直學士知開封府後坐折獄茲蔓奪職知岳州
收藏諸印見前

得知十載外
正類古人書

季振宜
藏書
序首

汲古閣
朱文
目錄
御史
之章

季印
振宜

滄

俱朱文

毛晉
私印

曼

子晉

朱白間文
俱卷一

臨川先生文集

二函
十冊

宋王安石著一百卷前宋黃次山序

考馬端臨文獻通考載王介甫臨川集一百三十卷

國朝查慎行作西江志又載王荆公集一百卷後集十卷是書為

卷正一百則非通考所稱之本矣西江志所稱一百卷疑即

指是書而後集則別本單行耳黃次山爵里未詳惟自

著為豫章人而序中稱是書為知州事詹大和甄老所校刊

則知次山與安石為同郡而與大和則同時也按西江志

著

稱詹大和於乾道間以直顯謨閣學士出知撫州
則此書原刻於南渡孝宗之世而時明人復經翻
刻者也非復大和剞劂之舊矣

朱文公文集

六函
三十六冊

宋朱子著一百卷

按陳振孫書錄解題載朱子文集一百卷紫陽年

譜三卷王折續文獻通考載文公文集一百五十

卷甫田王士般編次 本卷數雖與陳氏所錄相

符然不載年譜其撫印亦不工係明時坊間刊售

之本故前後無序跋也

重鈔文公先生奏議

一函
五冊

宋朱子著十五卷前明葉向高序
向高序作於萬歷甲辰稱朱生崇沐既刻朱子語
類而余為之序茲復褒奏議刻之仍屬余序云云
崇沐為萬歷間庠生文公十三世孫即詳此書所
刊同校諸人姓氏之末而每卷標題下前行又稱
宋後學監察御史高安朱吾弼編按崇沐有世次
可考而吾弼但稱後學則崇沐非吾弼同里之人

已可概見乃向高序中止言崇沐而不及吾弼豈
當時編校二人實具成其事而向高者僅與崇沐
相知而遂獨稱其名耶考明史朱吾弼字諧卿高
安人萬歷十七年進士累官南京太僕卿葉向高
見前

象山先生全集

一函
十冊

宋陸九淵著三十六卷前有序闕名次宋袁燮楊
簡二序

書中所載袁燮楊簡二序係沿宋本之舊其第一

序署名慶已為書賈割去補以別紙還闕其名然為明人所刊即此可見序中稱撫守李茂元將重刻象山文集而請予一言為序云云謂之重刻則非宋槧又顯然矣攷太學題名碑李茂元凡兩見一為河南祥符人弘治乙丑進士一為河南歸德州人正德辛巳進士官撫守者未知為誰也

鴻慶居士文集

一函
十二冊

宋孫覲著十四卷前宋周必大序

考陳振孫書錄解題載鴻慶集四十二卷稱戶部

尚書晉陵孫覲撰案覲大觀三年進士政和四年詞科嘗提舉鴻慶宮故以名集又考馬端臨文獻通考及宋史藝文志所載鴻慶集並四十二卷此書獨十四卷者蓋後人選定之本也按周必大序作于慶元五年稱公子興國太守介宗以書謂必大曰先君文稿中更兵火存者無幾而閩所刻後集翟忠惠之文懼不足傳信今定為四十二卷其未備者方裒次為外集為我序之云云此本仍冠周序而改四十二卷為十四卷以符所刻之目

則為刻是書者所妄改也按覲生平出處無足取
明嘉靖間其鄉人將刻其遺集或曰覲得罪名教
不得以文集流傳其事遂止世所傳者惟有抄本
此書未知刻于何時審其雕鐫紙墨自屬嘉靖以
前之本但非全書故其鄉人欲重刻之而事未果
書賈以此本充宋槧撤去序跋遂無序刻時代可稽
莫廷韓藏本餘印無考

飛雲閣

朱文 莫氏 莫廷韓

靜綠軒 圖書印

朱文俱序 卷三之卷十三

古槐 書屋

朱文卷一之卷八 卷十之卷十二卷十四

渭南文集

八冊 函

宋陸游著五十卷前宋史本傳後游子邁跋明毛
晉識語

毛晉識語稱馬氏通考載渭南集三十卷今不傳
邇來吳中士大夫有抄而秘其本者亦頗無詮次
紹興郡有刊本去入蜀記溷增詩九卷近得光祿
華君活字版印本渭南集五十卷乃嘉定中翁幼
子邁編緝也但其版多謬多遺因嚴加讐訂并付
剞劂云云按琴川毛氏嘗刊渭南全集此則其分

出單行之本攷宋史藝文志亦別稱渭南集五十卷卷帙與此正同則不必與全集並行方足以為完書所稱光祿華君者前白氏長慶集書中有闡雪堂華堅活字銅版印記未知光祿即華堅否志乘中不載其人惜無所考然概稱光祿則凡為光祿之丞簿皆可以光祿稱之其人故無可詳焉

漫堂劉先生文集

宋劉宰著二十二卷前宋趙葵序

劉宰字平國金壇人紹聖元年進士官泰興令謚

文清趙葵字南中衡山人官至右丞相兼樞密使封魯國公贈太傅謚中靖宋史俱有傳葵序作於嘉熙四年稱劉公自號漫堂病叟著述不可勝紀然皆散佚不存今姑就所見所聞者傳之於世云云是葵寔始刊是書之人而此本紙色皆出渲染蓋以新本而舊出刊者矣

鐔津文集

一函
四冊

宋沙門契嵩著二十卷目錄後載宋陳舜俞撰鐔津明教大師行業記末附契嵩與沙門唱和詩一

卷序詩題讚一卷

按陳舜俞記稱契嵩所著書目定祖圖而下謂之嘉祐集又有治平集凡百餘卷摠六千有餘萬言其甥沙門法燈克奉藏以信後世云云据此則契嵩所著述甚富此二十卷僅存十之一二但謂法燈奉藏則未全行鏤版可知也今書未有洪武甲子天台松雨齋沙門原旭募重刊鍾津集疏一篇又有永樂三年嘉興沙門宏宗書後一篇稱松雨製疏重刊既已一行開至二十餘版適疾作不克

成其事茲以天全叡公首座發堅固志繼其芳猷云云則此板為天全所雕始末俱見又有後序一篇稱天全馭公為東海慧眼宏辨禪師之弟子似亦沙門所作乃書賈于署名處割補別紙意在偽充宋槧而不知原旭之疏宏宗之序已題洪武永樂年號人安從掩飾乎考浙江通志契嵩字仲竊自號潛子藤州鐔津李氏校記前於洞山聰公作原敕論十餘萬言未幾遊衡岳歸著禪定定祖圖傳法正宗記書成游京師仁宗覽之嘉嘆付傳法院

編次入藏賜號明教韓琦歐陽修俱尊禮之後居
錢塘佛日禪院應蔡公襄所請也陳舜俞字令舉
嘉未人慶歷六年進士歷都官員外郎謫監南康
酒稅宋史有傳

闕補卷三十一卷十五八卷十八十五卷十九十

弇州山人四部稿

六函
六十二冊

明王世貞著一百七十四卷分賦詩文說四部前
明汪道昆序後附世貞弟世懋書并世貞記觀世
懋遺世貞書世貞自為記云敬美此書寄自豫章

垂十年矣以其見飾之過祕不敢示人至于楊摧
藝文折衷上下徃徃有寸心千古意安可以嫌終
祕之且聞在菰圃擷餘中行之閩矣乃為梓拙稿
之後據此則此書為世貞所自刊也當時撫刻本
不能工今世所行者皆出一版而此本猶屬明時
所印較為清明世貞世懋汪道昆並見前

汪
代囊子集

二函
十六冊

明賀逢聖著詩類六卷文類十卷

此書前後俱無序跋而彫刻精良紙色墨香絕類

欽定天祿琳琅書目

卷十

二十九

宋槧蓋明末文人刻集之最上者按明史逢聖字
克繇江夏人萬歷四十四年廷試第二授翰林編
脩天啟間為洗馬忤魏忠賢削籍崇禎時復官進
秋禮部尚書太子太保文淵閣大學士致政歸張
猷忠陷武昌授墩子湖一家殉之福王時贈少傅
議文忠

六家文選

三函
三十冊

梁昭明太子蕭統撰六十卷唐李善呂延濟劉良
張詵呂向李周翰注前蕭統序次李善上文選注

表并國子監奉刊文選詔旨次呂延祚進五臣集
注文選表後明袁聚識語

此書撫刻甚精板勘亦審寔與宋槧同工序後標
此集精加校正絕無舛誤見在廣都縣北門裴宅
印賣又五十二卷末葉標 昭裔貧時常借文選
不得發憤日異日 貴當版鏤之以遺學者後至
宰相遂踐其言并注云出揮塵錄此二條 宋槧本
中有之係存其舊其六十卷末葉有吳郡袁氏善
本新雕隸書木記則袁聚所自標也聚識語云余

曰

家藏書百年 購得宋刻木昭明文選有五臣六
臣李善本申稱白文大字小字殆數十種家有此
本甚稱精善而注釋本以六家為優因命工翻刻
匡郭字體未少改易始于嘉靖甲午成于己酉計
十六載云云其四十四卷末葉標丁未六月初八日
李宗信雕五十六卷末葉標戊申孟夏十三日李
清雕李宗信李清疑皆當日剞劂高手故自署其
名而丁未為甲午後之十三年僅刻至四十四卷
戊申又丁未後之一一年僅刻至五十六卷且其成

也經十六載則袁氏之擇工選藝以求毫髮無憾
之意亦概可見矣按蘇州府志袁聚字尚文吳縣
諸生循例入太學善屬文尤長於詩繪花鳥有逸
趣書法擬元章晚耕謝湖之上自號謝湖

六家文選

六函六
十二冊

篇目同前闕袁聚識語

此即袁氏所刊之版而四十四卷末頁李宗信之
名及五十六卷末頁李清之名俱被書賈割去故
紙幅均屬接補袁聚識語亦經私汰而於六十卷

末頁改刊河東裴氏考訂諸夫家善本命工鏤於
宋開禧辛酉季夏至咸淳甲戌仲春工畢并于末
一行增刊把總鏤手曹仁其字畫既與前絕不相
類版心墨線亦參差不齊且考訂訂字誤作金旁
則偽飾之迹顯然畢露矣

明楚府藏本攷明史諸王世表洪武三年太祖封
庶子禎於楚是為昭王傳六世顯榕襲封以嘉靖
二十四年遇害是為愍王至嘉靖三十年始續封
愍王庶子英燿為王是為恭王今攷袁氏書刻成

於嘉靖己酉為嘉靖二十八年正當楚國絕封之時則所
鈐楚府圖書當出恭王以後也又有翰林學士文節
世家一印考宋史楊萬里謚文節此宋人謚法之最著
者其印或為明時楊氏所鈐餘印無考又有袁忠澈印
記袁字篆法誤作表字明屬書賈偽為不足錄入

楚府
圖書

翰林學士
文節世家
藏書畫印

顧藏書

朱文李善表呂延祚表
蕭統序目錄卷一之三十

九華山房

白文李善表

水村陸氏
珍藏

白文呂延祚表

蕭統序目錄
卷一之卷

雲間潘
氏仲履
父圖書

琅邪王
氏珍玩

俱朱文目錄卷十卷二十
卷三十卷四十卷五十卷六十

聚

闕補卷二 卷三 卷四 卷五 卷六
 卷十八 卷二十四 卷三十一 卷三十八 卷四十五
 卷二十九 卷三十二 卷三十九 卷四十六 卷五十三
 卷五十四 卷五十七 卷五十九 卷六十六 卷七十三

六家文選

六函 六十一冊

篇目同前闕表聚識語

此亦前版而書中所有宋刊明刊識語木記悉經
 私汰補痕顯然撫印亦不及前二部之上
 寶峰主人收藏印記未知誰氏

寶峯主人

朱白間文

業在二酉

朱文

俱蕭統序

六家文選

十函 六十一冊

篇目同前闕表聚識語

此書惟存五十二卷後所載揮塵錄一條其餘識
 語木記皆經割補而紙質特佳
 泰興季氏藏本印記見前

季振宜藏書

朱文

御史之章

白文

滄葦

朱文

俱第一冊副業

闕補目錄 三十一 卷三十 三十七

六家文選 六函 六十一冊

篇目同前闕袁聚識語

此書亦存揮塵錄一條而六十卷之末偽刊奉議
即充提舉茶鹽司幹辦公事臣朱奎奉聖旨廣都
縣鏤板起工於嘉定二年歲次己巳畢工於九年
壬子臘月并標督工把總惠清亦係割去原紙別
刊半葉粘接于後且嘉定九年係丙子而非壬子
則其作偽益顯然矣

明文徵明藏本有煙條館印袁忠澈亦經收藏印
記見前又有世美堂印按朱彞尊明詩綜小傳載
丁此呂字右武江西新建人萬曆丁丑進士歷官
湖廣布政司參政著有世美堂集此印當即
丁氏右武所鈐餘印俱無考又有景濂印
考明史宋濂字景濂浦江人洪武間官至翰
林學士承旨兼太子贊善大夫是景濂乃明
初人書中不應有其印記明係書賈偽作不足
存也

尚寶司卿
柳莊表忠
澈家藏印

及第進
士家藏
書印室

朱文
漁陽子

朱白間文

徐印
蓋岳

勤姚安
道師德
靜樂齋

俱朱文

煙條
館印

世美
堂

言子

天澍
堂

俱白文

山高
水長

世美
堂

古
狂

俱朱文

滄浪
漁隱

白文

俱卷之六十

襲宮

白文

地叟
之齋

朱文俱卷一
卷二卷四

江遠

朱文卷二十三
卷五十一之六十

遠

白文

卷四十一

闕補表序目錄

全

六家文選

六函
六十一冊

篇目同前闕表裝識語

此書亦於卷六十之末葉改刊河東裴氏考訂云云
訂字并作金旁與前第二部同其偽製蓋出一人之
手也明表忠澈藏木印記與前部同又有王偉印考明史
王偉神宗顯皇后父也萬曆五年授都督尋封永年伯
呂雄濟之二印見前華亭朱氏未詳其人

尚寶司卿
柳莊表忠
澈家藏印

王偉

呂雄

俱朱白
間文

濟之

華亭
朱氏
珍藏

俱朱文序
卷一之卷六

六家文選

六函 六十一冊

篇目同前闕表裝識語

此書於蕭統序後標紹聖三年丙午歲蜡月十六日秘閣發刊人於呂延祚表後列曾布蔡卞等校正銜名卷六十後復標紹聖四年十月十五日太學博云至管文字陳瓘督鑄匠孫和二等工完皆係別刊半幅粘接而袁氏識語木記盡為刻補紙質印工并出前後諸部之下

明馮夢禎藏本有馮開之印考浙江通志夢禎子

人恐又誤

開之秀水人萬歷丁丑進士累官南京國子監祭酒又有太子太保傳文穆公家藏圖書考明史傳瀚字曰川新喻人天順八年進士累官禮部尚書贈太子太保謚文穆此即當其後人所鈐其曲阿孫氏真賞齋二印無考

馮氏開之

白文序 卷一之六

曲阿孫氏七峯山房圖籍篆

真賞齋圖書記

俱朱文序 目錄卷一之卷六

太子太保傳文穆公家藏圖書

朱文序 目錄 卷一之二十三 卷二十五之卷六

欽定天祿琳琅書目

卷十

三十六

六家文選



六函
六十冊

篇目同前闕袁聚識語

木恐末

此書亦將袁氏識語木記妄為割補其卷五十二
木葉所有戊申孟夏十三日李宗信雕一行雖于
撫印之時以別紙掩盖其上然十三兩字墨痕猶
隱逸行間依稀可辨乃版心上方後以熙寧四年刊
五字別刻木記遂幅鈴印抑何其心勞日拙耶書
中有吳寬印記考明史吳寬以正德時卒于官其
時袁氏此書尚未付梓安得經其收藏明是書賈

故取袁聚以前之人冀掩其作偽之計不足採入
餘所鈐三印亦無考



俱白文目錄

卷之卷六十

六家文選

六函
六十一冊

篇目同前闕李善呂延祚表袁聚識語

此書惟存蕭統序後裴宅印賣一條其餘識語木
記俱經私汰寔亦吳郡袁氏新板也其子卷二十
四後乃偽標嘉祐改元澄心堂刊入字而祐字誤

作祐改字已旁偽作居此作偽而益形其陋者
收藏諸印無攷

東山 白文 六江朱 孔昭印

卷三十三 松陵世家 朱文序 卷一之卷卒 卷十八之卷二十二

卷二十三 卷三十二 卷三十八 卷四十六 酒中堪卧月 蔡珣 俱朱文

卷四十七 卷四十八 卷四十九 卷五十四 身外即浮雲 私印 目錄

吳氏 珍玩

白文卷六之卷十五 卷二十四之三十一 卷三十四之三十七 卷三十九之卷四十五 卷五十二之五十三 卷五十五之六十一

闕補卷四 二十四 卷十三 十五 卷十七 二十五

十八 十三 卷二十一 七 卷二十四 十一 卷二十五 十

一 十二 卷二十七 十六 卷二十八 十九 卷

二十九 二十三 卷四十一 十三 卷四十四 十四

二十九 卷四十八 十五 卷五十一 十一 卷五十四 十

卷五十七 十九 卷五十七 十九 卷五十四 十

六家文選 六函 六十一冊

篇目同前

此書於蕭統序未及卷六十後偽刊淳祐二年庚

欽定天祿琳琅書目 卷十

三十八

午歲上蔡劉氏刊隸書木記字體杜撰漫元準繩亦即用袁氏版竄易亂真者合討此書共成十部而作偽者居其九變易之計狡獪多端或假其間為汴京所傳或記之南渡之末雖由書賈謀利欺人亦足見袁氏此書撫印精良實為一時不易得之本今登

州府者至十部之多且袁氏所藏宋槧原本已入前宋版中者七百餘年後先輝映猗歟盛矣
南昌袁氏收藏印記見前武陵華伯子印無考

南昌袁氏
家藏珍玩
子孫永寶

武陵
華伯子
圖書

俱朱文序卷一卷十一

卷二十一卷二十三卷二十五

闕補卷五

二十一

卷八

二十一

卷十

十一

卷十八

二十一

二十二

二十四

卷二十四

二十九

卷二十八

六卷四十一

十四

卷四十三

三十三

卷五十四

六臣注文選

六函

六十四冊

篇目同前

此亦明翻宋槧而別為一版撫刻頗佳其目錄內於昭明五臣銜名之次割補一行似是明時刊梓

欽定天祿琳琅書目

卷十

三十九

者自署其名而書賈去之以售其作偽之術又於
卷六十後刻河東裴氏考訂云云訂字亦作金旁
且字畫紙墨判然各異不能掩也

文選注

二函
十二冊

明王象乾刪定十二卷前蕭統序次呂延祚進五
臣集注文選表次李善上文選注表次文選姓氏
此書版式將六臣之注或列之上方或列於行右
其音釋則於下方列之不以注間本文亦取使於
記誦者也王象乾字士廓山東新城人舉隆慶五

年進士授聞喜知縣遷兵部主事歷郎中出為保
定知府累官至兵部尚書加少師兼太子太師總
督宣大山西軍務以哀病乞歸卒贈太師具見明
史本傳象乾自擢宣府巡撫以後皆任邊疆重寄
年八十三猶馳驅戎馬間此書標題下結銜為保
定知府蓋惟其時尚有餘閒留心翰墨也

文選補遺

二函
十冊

宋陳仁子輯四十卷前宋趙文序後宋譚紹烈識
語

書中每卷標題下稱茶陵陳仁子輯誦次行稱門人魯達臣纂類目錄後有茶陵東山書院刊行木記仁子宋史無傳考凌迪知萬姓統譜載陳天福者茶陵人歲凶發廩平糶貧不能糶者天福輒同之有道士丐米福與之一斗道士酬以百錢福弗受道士出題其壁有桂子蘭孫聯步武之句後子桂孫蘭孫果登第慕義樂施有父風遭宋季易姓不復祿仕營東山書院為終身計博學好古著述尤富輯文選補遺四十卷云云按所言東山書院

既與木記相符而書之卷帙亦與此本適合則仁子為天福之子無疑第未分晰此書為桂子蘭孫兄弟中何人所作耳趙文序中稱仁子為同補譚紹烈識語中大稱為古迂翁似仁子是其名而非其字或當隱居不仕之時自避原名而更為仁子也趙文字惟恭又字儀可廬陵人三貢於鄉仕南雄府教授出文丞相之門嘗從勤王於軍政多所參決晚請歸養所著有青山集見西江志魯達臣譚紹烈俱無考紹烈本仁子之甥亦受業其門為

刊此書故系識語於後此本為明時翻刻撫印極清惟自十四卷至十七卷與前後紙色迥別則從別本取出補入者

闕補卷五

五之七

卷十三

二

古文苑


二函十冊


宋章樵重編二十一卷前樵自序


考陳振孫書錄解題稱是書不知何人集世傳孫洙巨源於佛寺經龕得之韓元咎類次為九卷刻之婺州云云此本則為二十一卷蓋宋時先後原

有二板考浙江志章樵字叔道昌化人嘉定九年進士嘗宰吳時代後于振孫故解題僅登韓刻按樵自序作於紹定壬辰序中稱學製吳門結銜為知平江府吳縣事皆與浙江志符惟志稱是書為二十卷按樵自序固有釐為二十卷之語又稱第二十一卷文多殘闕姑存卷末則志所稱蓋不及末卷耳是本字畫頗清朗而撫印不工紙色亦出繢染又偽作金粟山印記總無以掩其明翻宋槧之迹也


書中有猗蘭堂及司馬時收藏各印不詳其人又有虞集伯生二印篆法庸劣顯係偽托不足採錄

 猗蘭堂 白文

 司馬氏家 白文



朱文卷一
卷二十一



朱文
卷二十一

闕補卷三

六朝詩彙

二函
十二冊

明張謙輯王宗聖增一百十四卷前明金城序次詩人姓氏爵里

明史藝文志載王宗聖增補六朝詩彙一百十四

卷雖與標題之上加以增補二字然不及張謙之名此本標題下并列張謙王宗聖兼署姑蘇陸師道校正而金城序又稱鄧西張子雅意裏采積累成編賓湖王子復裨益之人凡五百有奇為卷百又十四命曰六朝詩彙因托五湖陸子為之校讐刻於蘇郡云云是此書之創始與續成者瞭然具見矣張謙字仲受慈谿人嘉靖壬辰進士歷官按察副使見朱彞尊明詩綜王宗聖義烏人嘉靖甲辰進士官僉事見浙江通志陸師道字子傳吳縣

人嘉靖戊戌進士官尚寶少卿見蘇州府志金城
始末無考其序後自序為濟南人號元白子此書
字畫朗潔紙墨俱佳係初印本

竇氏聯珠集一函一冊

唐竇常竇年竇群竇庠竇鞏著五卷前載唐書竇
群本傳五人詩前後有小序後宋張昭識語并詩
次宋和峴記峴弟嶧署名又識語一篇姓氏闕考
竇氏聯珠集宋時刻本原已盛行洪邁容齋隨筆
及陳振孫書錄解題俱詳其始末焉振孫謂唐褚

藏言所序竇氏兄弟五人詩各有小序此書小序
其序而不署褚氏之名蓋明人翻刻時偶佚之也
又考陳氏書錄解題作五卷而宋史藝文志止作
一卷似有五異今觀詩中五人之詩係各為一卷
而不標五卷之名故宋史所載遂指為一卷書末
識語題淳熙五年謂家藏和峴所校五竇詩世少
其本因刊諸公府以永其傳今識語署名處已為
書賈割補不知何人所作窺其意特恐作子明人
不得充宋槧遂為私汰而不知其本淳熙五年固

子

宋人非明人也書首之載竇群本傳以唐書此傳雖止為群立而兄弟五人序中並見其畧因存之以考行第常字中行國子祭酒年字貽周國子司業群字州列容管經畧庠字冑卿婺州利史鞏字友封武昌節度俱詳見本傳及小序考宋史張昭字潛夫本名昭遠避漢祖諱止稱昭世居濮州范縣仕漢至檢校禮部尚書入周封舒國公宋初拜吏部尚書進封鄭國公改封陳國公和峴字晦仁浚儀人晉宰相和疑子仕宋至主客郎中判本常

寺兼禮儀院事峴弟嶧宋史無傳

明携季項氏藏本餘無考

勤貽堂

朱文群傳卷之五

項子京家珍藏

欣賞齋藏書印

困勉學人

俱白文群傳書後識語

鴛水

朱文

漆園老樗

白文俱群傳

孔師

白文

擗亭

朱文卷二

羅秉

朱文伍印

唐文粹

六函四十八冊

宋姚鉉撰一百卷前鉉自序後宋施昌言序

是書原刻前宋版中已載之而闕鉉自序此本版

欽定天祿琳琅書目

卷十

四十五

式字體極意追摹足稱精善然紙質不無能襲
取也
收藏二印無考

白石山房書畫之記

朱文卷一卷三之六 卷九之二二 卷二十四之四十三 卷四十四
之五十一 卷五十三之五十八 卷六十 卷六十一 卷七十二之七十九

卷八下卷八上卷八之三六 勅賜書院 朱文卷六卷十一 卷十六 卷二十一

卷八上之九 卷九十六之九十九 卷二十六 卷三十一 卷三十六 卷四十一

卷四十六 卷六十一 卷五十六 卷六十一 卷六十六 卷七十一

卷七十六 卷八十一 卷八十六 卷九十一 卷九十六

闕補卷八十二

唐文粹

四函四十冊

篇目同前

此書于四十五卷之末別行刊嘉靖甲申歲太學生
生姑蘓徐煇文明刊於家塾其各卷標題之首
俱冠以重校正三字其序並作大書雖似是別
為一版然以通體之版式字畫較之與前部
所刊者並無區別當是得其版者僅將其
序文重刊又於各卷標題及四十五卷之末補刊

標題以為新刻而寔則仍其舊也徐煇始末亦無考
收藏諸印未知誰氏

瑯琊文 朱文
房清玩

五代 白文
司馬

學士 朱文
之章

朱文 鉉序 卷一 卷五
卷九 卷十二 卷十四 卷十六上

卷十七下 卷十九上 卷二十一 卷二十四 卷二十六上 卷二十八 卷三十下 卷三十三上
卷三十五 卷三十八 卷四十一 卷四十三 卷四十五 卷四十七 卷五十一 卷五十三
卷五十六 卷五十八 卷六十 卷六十三 卷六十五 卷六十八 卷七十 卷七十三 卷七十六
卷七十九 卷八十二 卷八十五 卷八十八 卷九十 卷九十二 卷九十五 卷九十八

克 朱文
鉉序

三徑 朱文
卷九

闕補卷一 卷九 卷十五下 卷三十二 卷三十九 卷四十三 卷四十七 卷六十七 卷七十四 卷七十九 卷八十二 卷九十三 卷九十九

唐文粹 四十函 四十冊

篇目同前

此書卷四十五後徐煇自識一行為書賈割去

欽定天祿琳琅書目

卷十

四十七

補以別紙蓋因其撫印較工遂欲藉以充宋
槧耳

唐文粹

四函
三十二冊

篇目同前

字朗墨瑩數部中以斯為最其徐煇所自識者亦
遂見汰於書賈矣

明集竝藏本有澹園印記鶴園未知誰氏

華硯精良
人生一樂

鶴園

朱文 鉉序目錄卷一卷五卷九 卷十三 卷十四下
卷十六卷十八卷二十卷二十三卷二十六卷二十八卷三十下

卷三十三下卷三十七卷四十四卷四十三 卷四十六卷五十五卷五十四卷五十七

卷六十卷六十四 卷六十七 卷七十一 卷七十五 卷七十九 卷八十三

卷八十六卷九十

卷九十三卷九十七

澹園

朱文 鉉序
目錄卷一

萬首唐人絕句

三函
十五冊

宋洪邁著五六言二十六卷七言七十五卷共一
百一卷前邁序次劄子奏狀目錄中有宋吳格汪

綱識語

考是書宋時舊本有一百卷一百一卷之不同其

欽定天祿琳琅書目

卷十

四十八

一百卷者為邁所自刊半刻于會稽半刻於鄱陽之本也一百一卷者為汪綱守越時所刊合鄱陽會稽之本而併刻之者也又有吳格重修之本則僅屬會稽初刻之半也此書為一百一卷乃依汪綱本翻刻于明時者耳觀洪邁自序言今以所編合為百卷刻之蓬萊閣中序後又有自題云越府所刻七言至二十七卷五言至二十卷而奉祠歸鄱陽惟書不可以不成乃雇婺匠續之於容齋旬明而畢此百卷之名與刊刻之地言之鑿鑿無

可疑者故陳振孫書錄解題嘗為詳悉言之謂邁編七言七十五卷五言六言二十五卷各百首凡萬首上之振孫所言因指會稽鄱陽合刻之本也此書所載汪綱識語則謂唐人絕句一百一卷半刻會稽半刻鄱陽嘉定癸未新安汪綱守越遂捐鄱陽本併刻之使合而為一云云是綱已變稱一百卷者為一百一卷矣原其互異之故邁所自刊者五六言共二十五卷此本則以六言分出列為第二十六卷故增多一卷也乃書中又有吳格

識語者以吳格亦為越守後于洪邁而先於汪綱
曾取會稽所刻一半之版修補之而刻於鄱陽之
一半不與焉故其識語但言洪公守會稽嘗以此
刻之郡齋後三十年格獲繼狂躅命工修補以永
其傳時為嘉定辛亥云云不言卷數亦不言鄱陽
續刻之事以意考之則止會稽一半之版也第所
記嘉定辛亥似為翻刻時所誤按洪邁自序題為
紹熙元年序後再題則為紹熙二年紹熙為光宗
年號嘉定為寧宗年號首浙江通志職官表洪邁

之守越在光宗朝吳格汪綱之守越皆在寧宗朝
今以洪邁作序之年計之紹熙元年為庚戌其次
年則為辛亥即邁歸鄱陽之年又三十年為寧宗
之嘉定十四年歲在辛巳並非辛亥則刊刻之誤
不言可知至吳格識語明稱後三十年獲繼往獨
其為辛巳又復顯然按辛巳後二年為癸未即汪
綱守越之時使格之所修已為全版則相距不遠
又何必汪綱之合梓乎是此書原刻約略猶井然
可考也考宋又汪綱字仲舉黟縣人官至戶部侍

史

即又考凌迪知萬姓統譜吳格休寧人淳熙間登第歷官至樞密都承旨起居舍人洪邁見前

闕補卷七十四 十四十五

萬首唐人絕句 三函十五冊

篇目同前

版式與前部相似而所載吳格汪綱識語分行各異通體字畫亦較清朗蓋同為翻刻而此則選工特勝也

收藏諸印未詳人有趙子昂氏印篆法石工顯然

偽記不復採錄

懷氏鈇松家藏圖書

朱文序 五言目錄 六言目錄 七言目錄 五言卷一卷五六

卷五卷九之十一 卷十三卷十六卷十九卷二十一

卷二十八卷三十卷三十一卷三十三卷三十四卷三十六卷三十七卷三十九之四十二

卷四十三卷四十五卷四十六之四十八卷五十五卷五十三卷五十四卷五十七卷五十八

卷五十九卷六十一卷六十二卷六十三 卷六十五卷六十六卷六十八卷六十九卷七十一卷七十三

卷七十五

延陵朱文

吳印

白文

朱文

季子序

之振

舉

闕補五言卷十五 六 七言卷八 十五 卷六十三 十

三 卷七十四 十三

西山先生文章正宗 四函 二十七冊

宋真德秀撰二十四卷前正宗綱目一卷

前宋版中載是書有德秀自序此本無之且於標題之首稱西山先生其為明時所刻無疑而撫印亦不及前書矣

文苑英華纂要 一函 四冊

宋周必大著纂要八十四卷辨證十卷前明華燧

序

此書乃燧與其從孫子宣所刻爵里無考其序作於正德元年稱周益公嘗取內架所貯正本集諸學士校正去其煩冗分類而成凡八十四卷復著辨證云云据此則必大原書嘗有序跋後以久而佚之序又稱近得印本于陳湖陸氏所云印本蓋指宋槧也此書做宋巾箱本式撫刻亦工而字畫結體過大不能如宋刻之作蠅頭書矣

兄恐冗

詩學大成 二函 十冊

元林禎著三十卷前有元毛直方序

林禎爵里不可考以作序之毛直方推之當亦為

宋采元和之人按凌迪知萬姓統譜稱直方字靜

可建安人宋咸淳申領鄉薦入元授徒講學士爭

趨之有聊復軒稿二十餘卷并編詩集群王府三

十卷及詩學大成行世據此則學詩大成一書竟

似出於直方此迪知援據之誤意迪知當時偶見

此書以其序有直方之名即以書為直方所纂觀

其連稱三書一稱二十餘卷一稱三十卷而此書

采當作末

申恐中

獨不言其卷數則踈畧顯然也其書本為世俗餽
釘文學取使應酬而撫刻大方殊非草草觀其版
式當即明時司禮監督刊之本

歷代名臣奏議

三十函
一百五十冊

明永樂間奉勅輯三百五十卷

考明史藝文志載歷代名臣奏議三百五十卷注

云永樂中黃淮等奉勅纂輯與此本卷數正同書

寸當有序文進表吏經歲久佚去某字畫不能清

朗蓋非初印本也

某恐其

諸儒箋解古文真賞

一函
四冊

黃堅輯五卷前明神宗序後明孝宗跋又一跋不著姓氏

黃堅不知為何時人觀孝宗跋語已有命工梓之文神宗作序久稱舊本凡三百十有二篇今蓋三十五篇刻久漫漶因重授梓云云是明時內府此書固有二版矣其不著姓氏之跋則稱永陽黃堅氏所集古文真賞二十卷梓行已久率多湮飲偶得善本命工重刊云云跋後題為弘治十五年

書藜齋寓雲中有斐堂嘗觀此則內版之外復有二刻其刻于雲中者於孝宗朝內版洞出一時皆為重梓而神宗所刊最居其後係合孝宗雲中兩刻而併校之故皆載其跋也至雲中之跋稱二十卷與此五卷之數不符蓋由重刊者省併之故第書中注釋詞意淺陋似非名人所作

詞致錄

二函
十六冊

明李天麟著十六卷前有序闕名

李天麟山東濟南府武定州人登萬曆庚辰進士

共

第見太學題名碑其書專輯駢體上自六朝下迄唐宋採其根葉並茂者合而錄之不以富麗為立天麟曾有自刊之本其序作於萬曆丁亥備述選輯之旨此本序稱祥字季公則又別為一版而序後署名為書賈割去復從目錄卷六中割取歐陽修方岳李良樞等名移補目錄首葉標題下以此書為歐陽修所作不知書中所載南宋人文章甚多豈有修為纂輯之理今取天麟自刊本校之頗末其見又安從欺飾乎第此書雕刻清朗撫印頗

工

王亦不失為佳本

龍筋鳳髓判

一函
二冊

唐張鷟著二卷後附唐史列傳節文

按此書載于文獻通考者稱為十卷今止二卷蓋因書僅百題故後人翻刻遂為省併也晁公武請書志謂鷟嘗入中制科此其書判陳振孫書錄解題謂百題皆待選預備之具而洪邁容齋隨筆譏其蔽罪議法不能深切則此書崖畧概可見矣書末節錄唐書乃張薦傳文以鷟為薦祖傳中兼叙

讀

其始末也

山谷老人刀筆

一函
四冊

宋黃庭堅著二十卷前山谷老人傳

考晁公武陳振孫馬端臨諸書目止載黃魯直豫章集三十卷別集十四卷又別集一卷初無此書之名宋史藝文志於豫章集別集之外又載樂府二卷書大十五卷亦未以刀筆名書則非宋槧可見此書前後當有選輯人序跋或由書賈欲充宋槧遂從而汰之耳

類

明携李項氏藏本其衡齋印無考又有謝疊山趙孟頫二印係出偽作不足存

衡齋家
藏圖書

白文
項子京
圖書記

朱文卷一
卷十


滑耀編

一函
四冊

明賈三近著不分卷前三近自序

考明史賈三近字德修嶧縣人隆慶戊辰進士選庶吉士累官兵部右侍郎其選輯是書以滑耀名者蓋取莊子滑疑之耀聖人之所圖句也序作于

萬曆庚辰自稱東鳩子題其文皆取意物於是子
虛之說以自况其風旨當時撫刻此書雖非精善
而字畫尚為清朗



文化丁丑五月下澣校畢細井謨謹校

欽定天祿琳琅書目卷十終

